



FOREIGN RELATIONS COMMITTEE

NATIONAL PARLIAMENT OF SOLOMON ISLANDS

LUKLUK LONG DISFALA NOTIS FOR MEKEM WEI FO OLKETA NARAFALA KANTRI KAM HELPIM YUMI

MIFALA ASKEM EVRI PIPOL FO SENDEM KAM TINGTING BLONG OLKETA

Long 24 Julae 2008, Paliment hemi mekem disisin fo lukluk long disfala Akson blong Paliment bifo, fo alaom olketa narafala kantri fo kam long Solomon Aelan. Disfala Akson olketa kolek "Facilitation of International Assistance Notice" o "Notis fo Mekem Wei fo olketa Narafala Kantri kam Helpim Yumi." Disfala **Foreign Relations** Komiti blong Paliment, bae lukluk long disfala samting. Paliment hemi givim oda long disfala komiti olsem:

1. *Paliment hemi givim disfala waka long Foreign Relations Committee. Komiti ya bae stadim diswan, lukluk gud long hem an ripot go baek long Paliment.*
2. *Olketa samting wea Komiti save stadim hemi olsem:*
 - (a) *Disfala Akson fo Mekem Wei fo olketa Narafala Kantri kam Helpim Yumi wea Paliment hemi pasim long 2003.*
 - (b) *Agrimen melean Gavman blong Solomon Aelan an olketa "Kantri fo Help" lo side lo Waka blong Polis an Ami an olketa narafala pipol wea bae kam long Solomon Aelan fo help fo Stretim Baek Lo an Oda an Sikiuriti,*
 - (c) *Eni narafala samting blong disfala Notis blong Paliment long 2003 wea bae helpim Komiti fo stadim gud long notis ya an givim gudfala ripot go baek long Paliment.*
3. *Komiti ya hemi mas givim ripot go baek long Paliment long Fraede 14 Noremba 2008.*

Disfala Notis fo Mekem Wei fo olketa Narafala Kantri kam Helpim Yumi hemi save afektem yumi evri pipol blong Solomon Aelan bikos diswan nao hemi mekem wei fo olketa RAMSI fo kam insaet long kantri. Foreign Relations Committee hemi askem yumi evriwan fo involve insaet long disfala waka blong olketa fo lukluk gud long disfala samting. Olketa askem eniwan o eni grup hu laek talem kam tingting blong hem long disfala Notis o waka wea RAMSI hemi duim, fo raetem leta kam long Komiti. Sapos yu garem eni tingting olsem hao RAMSI o olketa kantri wea insaet RAMSI save mekem beta disfala waka blong olketa wetem Gavman an pipol blong Solomon Aelan plis yu raet kam fo talemaot disfala tingting. Disfala Notis fo Mekem Wei fo olketa Narafala Kantri kam Helpim Yumi hemi sei olsem:

1. *Bae yumi kolek diswan "Facilitation of International Assistance Notice 2003."*
2. (a) *Long 4 Julae 2003, Gavman blong Solomon Aelan hemi askem olketa Gavman blong Australia, Cook Islands, Fiji, Federated States of Micronesia, Kiribati, Marshall Islands, Nauru, New Zealand, Niue, Palau, Papua New Guinea, Samoa, Tonga, Tuvalu an Vanuatu (wea bae yumi kolek Kantri fo help) fo helpim yumi evriwan.*

- (b) *Bae olketa sendem kam samfala pipol (Grup fo Help) from kantri blong olketa o from samfala narafala kantri fo helpim yumi.*
- (c) *Sapos Notis ia olketa mekem anda seksen 3 (3) long disfala Akt blong Palimentt, bae datfala Akt hem kavarem olketa Grup fo Help.*
3. *Fo folom seksen 3(2) long disfala Akt blong Palimentt, disfala Agrimen melevan Gavman blong Solomon Aelan an olketa "Kantri blong Givhan" fo Waka blong Polis an Ami an olketa narafala Pipol wea bae kam long Solomon Aelan fo helpim fo stretim baek Lo an Oda an sikiuriti an hao Lo blong Solomon Aelan saveAaplae long Olketa, bae hemi kavarem waka blong olketa Grup fo Help an evri akson blong olketa taem olketa stap long Solomon Aelan.*

Sapos yu laek raet kam long Komiti long tingting blong yu long disfala Notis fo Mekem Wei fo olketa Narafala Kantri kam Helpim Yumi, yu save sendem long "email" long fr@parliament.gov.sb O yu save sendem leta tru long Post Ofis go long: Secretary to the Foreign Relations Committee, National Parliament Office, PO Box G19, Honiara.

Sapos yu garem eni kuestin abaotem disfala samting yu save askem Sekretri blong Komiti long fon (00 677 23424), o long faks (00 677 24272) o long intanet page blong Nasinol Paliment: www.parliament.gov.sb

Sapos yu laek fo Komiti hemi no talemaot nem blong yu an wanem iu bin talem long pipol, yu save askem olketa fo duim olsem. Taem yu raet go long Komiti plis yu mekem diswan klia long olketa.

ENISAMTING WEA YU LAEK SENDEM KAM LONG KOMITI MAS KASEM OLKETA BIFOA EN LONG DE LONG 5 SEPTEMBER 2008.



Hon Laurie Chan
Chairman
Foreign Relations Committee